

զմեղսն.^ա Հայր, թո՛ղ դոցա, զի ոչ գիտեն զի՛նչ գործեն.^բ Տէ՛ր, մի՛ համարիր դոցա զայս մեղս. որ եւ մեզ ցանկ բողոքէ ասելով. Աւրինեցէ՛ք զհալածիչս ձեր, բարի արարեք ատելեաց ձերոց^գ: 8 Այլ քահանայանալ ի վերայ տիրանենզ եւ տիրասպան եւ մատնիչ ժողովրդոց ոչ կարեմ. քանզի սուրբ Զոգին, որ ծնաւ զմեզ վերստին սուրբ աւագանաւն, ժառանգակից լինել Զրիստոսի՝ նոյն ասաց երկնաքաղաքացի արամբն Պաւղոսիւ, թէ Մի՛ դատիք, զի մի՛ դատապարտեսցիք^դ. եւ եթէ, Դուք որ կարողդ էք՝ զտկարութիւն տկարացն բարձեք^ե. եւ դարձեալ ասէ, թէ Իմ եւ վրեժխնդրութիւնք, եւ ես հատուցից, ասէ Տէր^զ: 9 Արդ՝ դուք ձեզէն գիտեք. եղէք վրեժխնդիր թագաւորին ձերոյ գործոց, եւ զայրացեալք նմա՝ զսուրբ հաւատ ուխտին մերոյ մատնեալ՝ ծաղր ետուք առնել անաւրինացն: 10 Ի՞նչ զիս արդեալք¹ ջանայցէ միսիթարել, եւ կամ ո՞ւմ թախանծեցուցանեք զիս քահանայանալ, որ զվիրաւոր ոչխար հաւտին Զրիստոսի տեսանեմ² ոչ պատեալ, եւ ձիթով եւ գիւնով աւծեալ զվերսն եւ եղեալ ի վերայ գրաստու եւ տարեալ ի պանդոկի. այլ յաւշեալ³ յանխնայ եւ առաջի գիշակեր զազանաց ընկեցեալ յաւցտումն: 11 Երթայ՞ք յինէն ի բաց, եւ թո՛ղ տուք ինձ ողբալ զընդհանուր⁴ կորուստ աշխարհիս Հայոց, զոր տեսանեմ աչաւք մտացս ի զաւրութենէ վերին ցուցակութեանն. մի՛ բռնադատեք միսիթարել զիս ի վերայ բեկման ժողովրդեան իմոյ: 12 Վասն զի զանցս աղետիս այսորիկ յառաջ քան զծեռնադրելն զիս յեպիսկոպոսութիւն՝ եցոյց ինձ վերին կանխասացութիւն, գիտելութիւն յանուրջս, ըստ աւրինակի մարգարեական տեսլեանն, որ ցուցաւ սուրբ Նահատակին Գրիգորի, գիտելութիւն իրաց առ ի յապայ եղելոցս: 13 Չոր եւ ձեզ պատմել այսաւր բռնադատիմ առ նեղել⁵ սրտի իմոյ, եւ ցուցանիմ անզգամ որպէս եւ սուրբ առաքեալն Աստուծոյ Պաւղոս, որ յաղագս սուտ առաքելոցն եւ անաւրէն մշակացն՝ գրեաց պարծելով առ Կորնթացիսն զիւր ճգնութեանցն զհանդէսն: 14 Արդ՝ ունկնդիր լերուք ինձ մտադիւրութեամբ ամենայն բազմութիւնք ժողովրդոց, եւ պատմեցից ձեզ:

ա Զմմտ. Ղուկ. ԻԳ 34:

բ Գործ. Է 59

գ Մատթ. Ե 44

դ Մատթ. Է 1. Զմմտ. Բ 1

ե Զմմտ. ԺԵ 1

զ Զմմտ. ԺԲ 19

1 Ձ. արդեւք

2 Ձ. տեսանեմք

3 Ատ. օշեալ

4 Ձ. զընթանուր

5 Ձ. առ նեղեալ